

## CIRCULAR PROBA DE FRANCÉS PRIMEIRA LINGUA (Cód. 12)

### ABAU 2022

*Á atención dos Departamentos de Francés dos centros de Ensino Secundario:*

O exame de *Primeira lingua estranxeira: Francés* para a ABAU do curso 2021/2022 non presenta modificacións substanciais nos seus contidos con respecto ao do curso anterior.

#### **PROBA ESCRITA (90 minutos)**

##### **Características xerais:**

A tipoloxía dos textos será variada, nun rexistro de lingua estándar, e abordará, preferentemente, temas de actualidade e aspectos relacionados coa cultura francófona.

Proporanse ao alumnado SEIS preguntas das cales deberán responder CATRO, seleccionadas e combinadas libremente. As seis cuestións xiran en torno a preguntas de comprensión lectora e competencias léxica e gramatical, sobre dous textos en lingua francesa cuxa extensión se sitúa nas 300 palabras orientativamente. Os alumnos/as DEBEN SELECCIONAR CATRO preguntas e contestalas adecuadamente en francés.

##### **Características das preguntas sobre os textos e criterios de valoración:**

Formularanse SEIS PREGUNTAS EN TOTAL:

- 1) *Pregunta 1: Test de comprensión lectora sobre os textos. Puntuación: 2,5 puntos*

O alumnado contestará verdadeiro ou falso a **dez preguntas sobre un dos textos seleccionados**. Deberá seleccionar o enunciado 1.1. ou o enunciado 1.2. para responder ás preguntas correspondentes. Dado que o número de preguntas formuladas sobre o texto pode presentar pequenas variacións, a valoración específica de cada unha delas será a que figure no exame no enunciado da pregunta 1 (ata un total de 2,5 puntos).

- 2) *Pregunta 2: Exercicios de competencia léxica e gramatical (morfosintaxe) sobre o **texto 1**. Puntuación: 2,5 puntos*

Esta pregunta ten por obxectivo verificar o coñecemento práctico dos aspectos léxicos e morfosintácticos da lingua francesa. Pedirase ao alumnado, preferentemente, que transforme ou complete estruturas oracionais, substitúa elementos dunha oración, busque sinónimos etc.

Os alumnos/as deberán buscar TRES sinónimos (0,75 puntos) e completar as preguntas de gramática (1,75 puntos).

3) *Pregunta 3: Exercicios de competencia léxica e gramatical (morfosintaxe) sobre o **texto 2**. Puntuación: 2,5 puntos*

Esta pregunta ten por obxectivo verificar o coñecemento práctico dos aspectos léxicos e morfosintácticos da lingua francesa. Pedirase ao alumnado que transforme ou complete estruturas oracionais, substitúa elementos dunha oración, busque sinónimos etc.

Os alumnos/as deberán buscar TRES sinónimos (0,75 puntos) e completar as preguntas de gramática (1,75 puntos).

4) *Pregunta 4 : Expresión e comprensión escrita (resumen e título). Puntuación: 2,5 puntos*

O estudante deberá seleccionar UN dos dous enunciados propostos. Pediráselle que elabore un título suficientemente esclarecedor (0,5 puntos) e un breve resumo en francés — sen copiar literalmente do texto—cunha extensión en torno a **cincuenta** palabras (2 puntos).

5) *Pregunta 5 : Expresión escrita (redacción). Puntuación: 2,5 puntos*

O estudante deberá seleccionar UNHA das dúas redaccións propostas. Pediráselle que elabore unha pequena redacción en francés cunha extensión en torno a **setenta e cinco ou cen** palabras.

6) *Pregunta 6: Expresión escrita (descripción). Puntuación: 2,5 puntos*

A pregunta 6 pretende avaliar a capacidade comunicativa do alumnado no ámbito da produción escrita a través da descrición de monumentos e lugares parisinos ou personaxes francófonos populares.

O estudantes deberán demostrar que identifican o tema proposto e que poden describilo fisicamente (e psicoloxicamente, no caso dun personaxe) nun texto coherente e realista dunha extensión de 50 a 75 palabras. Terase en conta a ortografía, a morfosintaxe e a correcta expresión na lingua francesa.

Nas preguntas de produción escrita (as tres últimas), valorarase en xeral a coherencia do discurso, a fluidez na expresión e a corrección morfosintáctica, así como a riqueza de recursos expresivos do alumno/a.

**Puntuación total da proba escrita: 10 puntos**

**Non haberá proba oral.**